



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### გრუ

გრუ, ახალგორის მუნიციპალიტეტის (მცხეთამთიანეთის მხარე) სოფლების ზემო გრუსა და ქვემო გრუს გავრცელებული სახელწოდება.

გ. ისტ. მათიანეებში იხსენიება, როგორც გრუი, გრუა. მათიანის „ძეგლი ერისთავთას“ (XIV ს.) მიხედვით, VI ს-ში ცხრაძმისხველნი იბრძოდნენ გრუელთა წინააღმდეგ, რ-ნიც ქსნისხევში შედიოდნენ. „მატიანე ქართლისა“ (XI ს.) გადმოგვცემს, რომ 975 წლის მახლობლად კახელებს დაუტყვევებიათ მეფე გურგენი, მისი ძე ბაგრათი და დედოფალი გურანდუხტი. დავით III კურაპალატმა გაათავისუფლა ისინი და დაიბრუნა მიტაცებული ციხეები, გარდა წირქოლისა და გრუისა. როგორც ჩანს, ეს ციხეები კარგა ხანს დარჩა კახეთის ხელში და XI ს. დასაწყისში ბაგრატ III-ს კვლავ უხდება მათ დასაბრუნებლად ბრძოლა.

ლიტ. იხ. სტ-თან გ რ უ ი.

**ჭ. გვასალია**

---